

BIBLE WEEK SELECTIONS 2025

(ESAHIE)

BO AHYERELE KRONGRON KÃ FA KOYELE WO MAEN KYEKYELE NU NWO O

BƆ OLI MOA

Se yenea Ahemvo ne Abereso Dwire nwomaa nemɔ anu a, yenwu ahennie mɔ dwɔsolɛ ne bɔ bɔle nwo dwire. Bɛmaa yenwu kye nningyein bɔ ɔmane maen nemɔ bɔle ne bie ole Nyameɛ dwire nwo asosere (1 Ahemvo 11:9-11), yee maenbule tee bɔ ɔhwehwene mmosoensole, ndɛengyea buale ne fea-ase-ma male wale ɔ (2 Abereso Dwire 21:1-15, 1 Ahemvo 12:1-33). Se yenea ye atee fofore so a, maen maen bɔ be bo timuni ná benyini koyele nu nemɔ ole be bɔ belili Nyameɛ dwire so nahore nu (1 Ahemvo 3:1-14; 2 Abereso Dwire 31:20-21), ɔne be bɔ bɛmane teneneeyele, ndɛen turoloo buale, ne mbanyilile paa hole so ɔ (2 Abereso Dwire 17:1-19).

Ghana maen amukoraa yato mmaa asomdwee nu kamakama yayie elɛsa ye ala. Nakoso mmaatole nu asomdwee kamakama ye asi, odi kye maen ne bɔ mmɔden fa ye nye kyire koyele ne maen kyekyele nwo anwofama atee so.

Maen mbanyi mɔ asedee wɔ sɔ nikyee ne anu nwo hia paa – odi kye Maen Panyi Paa (President) yɔ koyele nwo nhyehyelee (ɔmva ye nwo maenyele hore bɔ ɔwɔ nu ɔ), odi kye Maen Panyi Paa pena maen mbɔnduo, yee odi kye Maen Panyi Paa ne ne Nyameɛ nate nahore nu, ná ɔye ye dwire nwo sotie. Sɔ ala koso yee odi kye maen mmaa nemɔ koso beyɔ ɔ.

Asɔre ne Nyameɛsolɛ fekue ahorɔɔ te bokafoɛ titire wɔ koyele nwo nhyehyelee ne maen kyekyele nu. Odi kye asɔre mbanyi fa be nwo to Ahyerele Krongron so maa okyire be atee bɔ befa so behwe Kristofɔe ne maen ne amukoraa maa bɛpena maen ngabɔnu ne mbɔnduo si atee ɔ.

1. **Ahyerεle Krongron kā abakōsem fa Nyameε botaeε titire bō ole ma maen maen amukoraa ɔ, kye ɔkā be bō nu kye mmenia ko**

Afei Nyameε sele kye, “Émoma yeγɔ sona kye ye seso, ma osoma ye; ná yéma benya tumi wɔ epo nu ngaka so, ewienu nnomaa so, awuro ngaka so, aseε amukoraa so, ɔne kaka biala bɔ ɔtwe ye nwo ase wɔ aseε so ɔ so.” Yiti Nyameε bɔle sona kye ye bɔbɔ ye seso, Nyameε seso yee ɔbɔle ye ɔ; ɔbɔle bienzua ne brasua. Nyameε yirale be, na osele be kye, “Émowo ná emɔta, émoyi aseε so tekye ná emoli so; ná émɔnya tumi wɔ epo nu naen so, ɔne ewienu nnomaa ne kaka biala bɔ ɔwɔ aseε so ɔ so.”

Nowa mma nemɔ be mmusua, kyebɔ b’awore ndoatoasoε te wɔ be maen nu ehe. Na ofi be nu yee nzueyile ne asi ne maen maen beto bepetene aseε so ɔ **(Gyenesise 1:26-28, 10:32) [sa nea Asomafoε 17:26-28]**

2. **ɔwɔ nu kye Babel Abandenden nwo dwirε bɔ ɔwɔ Gyenesise 11:1-10 ne, okyire ye tumi bɔ ɔwɔ botaeε ko nyane nu ɔ de, nakoso ɔbɔ ye kɔkɔ fa nzunzuansoε tee bɔ ɔwɔ maen kyekyele nhyehyeleε bɔ Nyameε ɔbboka so ɔ nu**

3. **Nyameε pena kye maen maen ne ahennie amukoraa ne ye di ngitahoε kyebɔ ɔkɔma asomdwee, maen bɔ wagyina pindinn ne yieyele kɔwa ɔ**

Na ɔkɔwa kye, mmere bɔ oli nzie ne, bokaa bɔ AWURADE awuro ne gyi so ne, ye bo kotimu maa ɔkɔware kɔtra bokaa biala, ɔkɔye tendenn kɔtra pambaa biala, na maen maen mukoraa bekobiri bekɔwa so. Na mmenia pee bekɔwa bekɔhã kye, “Émobra ma yefo yeħɔ AWURADE bokaa ne aso, émoma yeħɔ Yakob Nyameε awuro ne anu, amaa ɔnate so wahyirehyire ye ye atee ne, ná yanate ye atimbire ne aso.” Ofikyε Sion yee mmeraa ne kofi kɔwa ɔ, na Yerusalem yee AWURADE dwirε ne kofi kɔwa ɔ. Okoli maen maen mɔ so, okosiesie mmenia pee b’afia, bekɔboro be ngrande bekɔfa bekɔbɔ kona, ná baboro be pealeε bafa babɔ asɔsɔaa. Maen bie ngɔhwe obiengo maen so ngrande, na bengosua koehone ko. **(Yesaya 2:2-4) [Asomafoε 17:26; Nyekyire 7:9-10, 21:22-24]**

4. **Sε yepeña maen koyele ne ngɔsoε ma mmenia a, mbanyilile nwo hia paa**

- a. **Maenyεle mbanyi bɔ besuro Nyameε ne, bepeña koyele ne ngɔsoε bema be mmenia**

Nehemia – **Nehemia 2:11-20**

Debora – **Ndeɛnbualefoε 4:4-10**

Hesekia – **2 Ahemvo 18:1-7a**

[sa nea: Yosef - Gyenesise 41:14-42]

- b. **Atianuserε maen mbanyilile twetwe mbakyekyemuε, apereperele ne maenbɔle ba**

Sɔɔlo – **1 Samuel 22:6-19**

Herode – **Mateo 2:16-18**

[sa nea: Ahabo – 1 Ahemvo 21:1-19; Manase – 2 Ahemvo 21:1-9]

5. **Ahyerεle Krongron tu mmenia foε kye betena wɔ ngabɔnu nu, ɔmva ye nwo kye mmenia b’adwene onnya wɔ maenyεle nu ɔ**

- a. **Mmenia bɔ betwetwe apereperele ne ngondii beba ne, bengonya atee wɔ Nyameε ahennie ne anu**

Na ahyerεlefoε bɔ befili Yerusalem bewale ne sele kye, “Ole Beεsebul, na sunzummɔne mɔ panyi tumi yee ɔfa tutu sunzummɔne mɔ ɔ.” Yiti Yesu frele be wale ye nwo bere, na odwudwole wɔ anyandera nu hyirele be kye, “ɔkɔye sεε né Abɔnzam ahora atu Abɔnzam? Na sε ahennie bie ne ye nwo ko a, sɔ ahennie ne ngora gyina. Yee sε awuro bie ne ye nwo ko a, sɔ

awuro ne ngora gyina. Na se Abonzam dwoso tia ye nwo, ná one ye nwo ko a, onghora gyina, na ye ayielee ala ene. **(Marko 3:22-26) [sa nea: 2 Timoteo 2:23-26; 1 Korintofoe 3:1-9]**

b. Se mmenia fi dwudwole fofore ne maenyel kure fofore mo nu po a, koyele ne ngabonu kōhōra kōhō so

Epōen twetwe ngondii ba, nakoso odo de, okata mvomsoe amukoraa so. **(Anyandera 10:12)**

Na be bo belele ye dwire ne belili ne, bemane be nwo ate maa bebōle be asu, na mmenia koye apee nza beebokale be so so kyēa ne ala. Na betuli be nwo besiele bere besuane asomafoe nemo ngyerkyere ne b'abiengōefale ne paanoobubule ne mbaeēbōle. Asomafoe ne yole nzengyerennee ne anwanwadee pee, na be nwo yele sona biala suro. Agyidifoe ne amukoraa behole so beyiale neka hore, na ebiala nningyein yele obiengo dee. Betōnene b'agyapadee ne be nwo nningyein, na behyēle sikaa ne bemane ebiala kyebō ohia o. Na alehyele biala, beyiale asōneyee sua nu ngabonu nu, belili adi wo b'awuro mo nu, na befale anigye ne ahone bo nu te o bedidili; bekamvole Nyamee, na maen ne anu ama mukoraa hurōle be dwire. Alehyele biala Awurade fale be bo olele be ngoa ne bokale be so. **(Asomafoe 2:41-47) [Asomafoe 13:1-3; Kolosefoe 3:5-11]**

c. Ngondii ne mbakyekyemue ha maenkyekyēle paa. Odi kye yetira nhyehyēle ne atee bo yefa so yesisie y'afia ngondii nu yē

"Emōate kye behā behyirele mbanyi mo kye, 'Nnedi awue, na ebiala bo okoli awue ne okoli fo wo ndēnbuale nu.' Na mekā mekyire emō kye, ebiala bo okofe oliema so yaa nen, okoli fo wo ndēnbuale nu; ebiala bo okose oliema kye ote sona mbaen nen, okoli fo badwa nyunu. Ebiala bo okose kye, 'Wo kwaseambane' nen, okoli fo, na okōhō abonzam see nu. Yiti se efa w'ayeyēdee ba afōlee bokyēa nwo, ná bere ekaye kye eliema ne wo le dwire a, yakyi w'ayeyēdee ne to afōlee bokyēa ne nyunu bere, ná ko ene eliema ne beēbo nu koraka né afa w'ayeyēdee ne aabo afōlee ne. **(Mateo 5:21-24) [Anyandera 17:14; Mateo 18:15-17]**

6. Ahyerele Krongron kyire ye nikyee fa ndotolee, ngōsoe ne maen kyekyēle nwo

a. Ye nwo hia paa kye maen mo ne mmeni kure beye ndotolee fa ngōsoe ne ye bo tindimune nwo

Yee nga ngyirele be kye, "Emōanwu edwire bo wato ye ye: kyebō Yerusalem wakakyi kurofoen, bo ye pambim nemo koso bato nu see o. Emōdwoso maa yesa yekyēkye Yerusalem fasue ne, amaa ye nyunu wangō so wangua ase." Ngane kyebō me Nyamee walo me wagyina me si, one edwire bo Nana Atasēsese wahā wahyire mene ngyirele be. Na behane kye, "Emōma yedwoso yesi!" Yiti befale be nwo belele so adwuma paa ne anu. **(Nehemia 2:17-18) [Anyandera 24:3-4; Yesaya 61:4]**

b. Maen maen ne mmeni kure bo benyo maenkyekyēle nwo ndotolee ne, ngōsoe bo be, na beyō kyēa bie awore ndoatoasoe abore

Nimde be wabo me maen ne ati, be boso konua. **(Hosea 4:6a)**

AWURADE be nana mo Nyamee ne, osomane ye ebōfoe mo mmerē pee maa beebōle be kōko, ofikye né ye ahone la ye maen ne ye atenalee ne anwo. Nakoso behole so begorole Nyamee ebōfoe nemo anwo, bamva ye dwire banyē huu, na beserele ye ngōmhyelēfoe nemo alaa kōpem kye AWURADE eyaa piri bo wafe ye wo ye maen so ne, ohole anwuro maa né beyō ye nwo hwee a onye yē o. Yiti Nyamee mane Babilōnb hene fale kōe ootoale be, na ofale ngrandē huhuni be mmerandee mo wo be nekaa krongron awuro bere. Babilōn hene wannwu aberandee anaa taluwa, aworowaa anaa yarefoe biala anwumvoin, na Nyamee fale be mukoraa wurale ye sa. Nyamee awuro bere nningyein mbiri mbiri ne mmaa mmaa, nningyein bo owo AWURADE awuro bere nekaa bo befā nningyein besie ne, yee Nana Sedekia ne ye mbanyi be nningyein, Babilōn hene sesale, na ofale ye mukoraati hole Babilōn. Beyerale Nyamee awuro ne, bebubuli Yerusalem fasue ne beguale, beyerale Yerusalem ahemvie nemo amukoraa, na nu nningyein bo ye nyōboe ye se ne, beyerale ye mukoraa. Be bo benyane be ti bedidili nu ne amukoraa koso, ohyele be nnure fale be hole Babilōn, na beeyele ngoaa bemane ye ne ye mma mo alaa maa oodwuli kye Pesia ahennie tumi dwōsole o. Ehe sili, amaa

AWURADE dwirɛ bɔ ɔnate Yeremia so hane ne, wawa nu; amaa ɔnate so aseɛ ne wanya ate wali ye afofingyɛa. Ngyɛa amukoraa bɔ aseɛ ne lale bere mbaen ne, nɛ odi afofikyɛa alaa kɔpem kye afoɛ aburasoo sone ɔ. **(2 Abereso Dwirɛ 36:15-21) [sa nea: Rehoboam – 1 Ahemvo 12]**

7. Ghana Asɔre ayɔ ye Kristofɔe adwuma asedeɛ ne bue bɔ ye ole kye, daa odi dwumaa kandinga wɔ maen kyekyele nu. Ebie ole sukuu ne nwomaasuale nekaa ahoroɔ, asupiti ahoroɔ, prisafɔe nwo adwuma, ɔne mmokale paa ahoroɔ

a. Yesu asetena ne ngyerekyere dwudwole fale maen kyekyele ne mmokale bɔ odi kye yɛboka ye mmango mmenia ɔ

Yee Farasiifɔe mɔ behɔle bɛɛbɔle porɛ kyebɔ bɛkwafa edwirɛ bɛkɔtete Yesu noa ɔ. Na besomane b'asuafoɛ mɔ ne Herodefɔe maa bɛwale ye bere beebisale ye kye, "Kyerekyerenie, yese kye ete nahorenie, na ekyirekyire Nyameɛ atee ne turoloo, enye nyeyemuɛ; ofikye emva wɔ nye ndo mmenia bɛ dibe. Yiti kyire ye w'adwene. Aso mmeraa ma ate kye yetua etoɔ yɛma Kaesare, anaakye ɔmma ate?" Nakoso Yesu nwuni b'adwenemmɔne ne, na obuale kye, "Emɔ, nyaatwomfoɛ! Nzu ati yee emɔbaatete me noa ɔ? ɛmɔfa sikaa bɔ bɛfa betua etoɔ ne bie behyire me!" Na bɛfale denare ko bɛbrɛle ye. Na obisale bɛ kye, "Nwa mvonini ne dumaa yee ɔwɔ so ye?" Bebuale ye kye, "Kaesare deɛ ɔ!" Yee osele bɛ kye, "Nzaade ɛmɔfa Kaesare deɛ bɛma Kaesare, nɔ ɛmɔfa Nyameɛ deɛ bɛma Nyameɛ." **(Mateo 22:15-21) [sa nea Luke 10:25-37]**

b. Tete akristofɔe nemɔ tirale asomafɔe nemɔ ngyerekyere nemɔ bɔ ɔboka koyele ne maenkyekyele wɔ Rome maenbule ne anu po ɔ nu

Emɔ amukoraa bɛye adwene ko; na nnema emɔmoma emɔ nwo so, na mmom ɛmɔbre emɔ nwo ase. Nnema emɔbu emɔ nwo nworefoɛ. Nnema emɔfa bɔne betua ebiala bɔne kerɛ. Na mmom ɛmɔdwene bɔ ɔte paa wɔ mmenia mukoraa bɛ nye so ɔ nwo. Sɛ emɔkɔhora a, emɔ bue nu de, emɔ ne ebiala bɛtena asomdwee nu. **(Romanfɔe 12:16-18) [sa nea Romanfɔe 13:1-7; 1 Timoteo 2:1-3]**

c. Koyele ne maen kyekyele bɔ ɔfa ngɔsɔe bɔ odi mu ba ne, ohia kye ebiala bɔ adwumaserɛyɔle ne nahorelile nwo mmɔden

Aliɛmaa mɔ, yele y'Awurade Yesu Kristo dumaa yehye emɔ kye, aliɛmaa biala bɔ ɔnatenate basabasa nɔ onni ngyerekyere bɔ onya fili ye bere ne aso ne, emɔhwe emɔ nwo befi ye nwo. Na emɔ bɔbɔ emɔse kye ohia kye emɔsuasua ye ɔ, ofikye mmerɛ bɔ nɛ yɛwɔ emɔ bere ne, yanye foen; yee yanni ebiala aleɛ bɔ yandua ye kerɛ ɔ. Na mmom yeyerele ye nwo yeyɔle adwuma eyia ne kɔngɔen, kyebɔ ɔkɔye bɔ yɛngɔye emɔ nu biala so tɔsom ɔ. Ehe ngyire kye yelle ye nwo ate kye yekobisa emɔ dɔ nikyee biala ɔ, na mmom yɛfale ye nwo yeyele mvandoho kye emɔsua ye. Mmerɛ bɔ nɛ yɛwɔ emɔ bere nen, yɛmane emɔ ahyedeɛ kye, sona biala bɔ onguro kye ɔyɔ adwuma ne, onni kye odidi ɔ. Ofikye yatete ye kye mmenia biemɔ wɔ emɔ nu bɔ benatenate basabasa, bɔ benyɔ adwuma biala, na mmom bɛfa bɛ noa betoto mmenia dwirɛ nu ɔ. **(2 Tesalonikafoɛ 3:6-11) [sa nea Efesofɔe 4:25-29]**

BACK COVER

Bible Society of Ghana (BSG) boka ewiase Ahyerele Krongron fekie bo oli United Bible Societies (UBS) ne aso. UBS yo adwuma wo maen maen kobo 180 nu. Bible Society of Ghana nyo adwuma mbenamvasoe. Ye botae ole kye akoma sona biala ye sa koha Nyamee dwire ne wo ye bobo ye dwudwole nu. Aliemaa, BSG te Ahyerele Krongron nyobo ne aso bokoboko ebiala kohora bie to o. Se oyo ko biala atoen a, obo ye nwo kere, nakoso oye BSG fe kye, ye Awurade Yesu ahyedee pirikua ne, odi so o. Yiti yesre wo kye, ko so boka Bible Society of Ghana wo mbaee ne akyedee nu. Nyamee yira wo.

WO SA KOHA YE WO WA:

GREATER ACCRA

HEAD OFFICE

The Bible Society of Ghana

P. O. Box GP 761, Accra

Tel: 0302-663803 / 2672722, Fax: 0302-669613

Email: info@biblesociety-ghana.org

ACCRA CENTRAL

Bible Shop

Tel: 0246-230583

MADINA

Bible Shop

Tel: 0577-675337

TEMA

Premises of Global Evangelical Church,

Tema Community 4

Tel: 0577-687976

ASANTE REGION

The Bible Society of Ghana

Adum, near STC Bus Terminal

Tel: 0322-022461 / 0322-033009/10 / 0577-675334

Email: info.ksi@biblesociety-ghana.org

BONO REGION

The Bible Society of Ghana

First Floor, Wesley House

Adjacent Sunyani Coronation Park

Tel: 0352-029365 / 0352-033009 / 0577-675332

Email: info.sunyani@biblesociety-ghana.org

WESTERN REGION

The Bible Society of Ghana

GPRTU Building, near Accra VIP Bus Station

Tel: 0312-001163 / 0574-065269
Email: info.tdi@biblesociety-ghana.org

NORTHERN REGION

The Bible Society of Ghana
Agric Traffic Light
Tel: 0372-026464 / 0577-675335
Email: info.tamale@biblesociety-ghana.org

VOLTA REGION

HO

The Bible Society of Ghana
Opp. The old Winners Chapel on the Housing Road
Tel: 0362-028380 / 0577-675330
Email: info.ho@biblesociety-ghana.org

HOHOE

The Bible Society of Ghana
Zongo Sanko Station
Tel: 0208-221866

CENTRAL REGION

CAPE COAST

The Bible Society of Ghana
Abease Roundabout, First Floor of Bussiness
Storey Building, Store number 10, opp. CEF
Tel: 0574-065270

EASTERN REGION

KOFORIDUA

The Bible Society of Ghana
Mile 50 Olive Mall Building
Tel: 0573-661785

WESTERN NORTH REGION

SEFWI WIAWSO

The Bible Society of Ghana
Opp. the Church of Pentecost
(near Baseline Pharmacy)
Tel: 0543-489002

UPPER EAST REGION

BOLGA CENTRAL

The Bible Society of Ghana
Near Gratis Foundation (ITTU)
Tel: 0248-977792

UPPER WEST REGION

WA

The Bible Society of Ghana

Ministry Block B

First Floor, Room 15

Tel: 0242-082130 / 0244-887737

© The Bible Society of Ghana, 2024

Bible Week 2025

Esahie Selection (1k)

Printed by:

Tel: